



SLUŽBENE NOVINE GRADA ZENICA

GODINA XLVII
Broj 4

Četvrtak, 08.04.2021. godine

ISSN 1840-4588

GRADSKO VIJEĆE

71.

Na temelju člana 38. i člana 116. Statuta Grada Zenica ("Službene novine Grada Zenica", broj: 5/15), te člana 44. Poslovnika Gradskog vijeća ("Službene novine Grada Zenica", broj: 4/17 i 4/20), Gradsko vijeće Zenica, razmatrajući Osnove programa i politike Gradonačelnika u mandatu 2020.-2024. godine, na svojoj osmoj sjednici održanoj dana 08.04.2021. godine, donijelo je

ZAKLJUČAK

I

- Ovim zaključkom usvaja se dokument "Osnove programa i politike Gradonačelnika u mandatu 2020.-2024. godine".
- Dokument iz stava (1) čini sastavni dio ovog Zaključka.

II

Ovaj Zaključak stupa na snagu danom donošenja i objaviće se u "Službenim novinama Grada Zenica".

Broj: 01-45-6958/21
Zenica, 08.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

72.

Na temelju člana 21. tačka 5) i člana 116. stav (2) Statuta Grada Zenica ("Službene novine Grada Zenica", broj: 5/15), te člana 44. Poslovnika Gradskog vijeća ("Službene novine Grada Zenica", broj: 4/17 i 4/20), Gradsko vijeće Zenica, razmatrajući Plan implementacije projekata u 2021. godini u skladu sa Strategijom razvoja Grada Zenica za period 2012-2022. godina, na svojoj osmoj sjednici održanoj dana 08.04.2021. godine, donijelo je

ZAKLJUČAK

I

Usvaja se Plan implementacije projekata u 2021. godini u skladu sa Strategijom razvoja Grada Zenica za period 2012-2022. godina.

II

Plan implementacije iz tačke I čini sastavni dio ovog Zaključka.

III

Ovaj Zaključak stupa na snagu danom donošenja i objaviće se u "Službenim novinama Grada Zenica".

Broj: 01-45-6846/21
Zenica, 08.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

73.

Na osnovu člana 13. stav (2), alineja (3) Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 21. tačka 5. Statuta Grada Zenica ("Službene novine Grada Zenica", broj: 5/15) i člana 39. Poslovnika Gradskog vijeća ("Službene novine Grada Zenica", broj: 4/17), Gradsko vijeće Zenica na osmoj sjednici održanoj dana 08.04.2021. godine, donosi

PROGRAM**mjera za utrošak podsticajnih sredstava u oblasti privrede za 2021. godinu****I OSNOVNE ODREDBE**

Program mjera za utrošak podsticajnih sredstava u oblasti privrede za 2021. godinu na području Grada Zenica (u daljem tekstu: Program) je provedbeni akt Grada Zenica koji osigurava da se planirana sredstva Budžeta Grada Zenica za 2021. godinu koriste na transparentan, specifičan i mjerljiv način u vremenski određenom periodu s namjerom da se kroz podsticaj doprinese, rastu i razvoju obrtničke i preduzetničke djelatnosti i omogućiti poboljšanje ukupnog životnog standarda na području Grada Zenica (u daljem tekstu: Grad).

Ovim Programom, uređuju se svrha i ciljevi Programa, korisnici i nosioci za provedbu Programom predviđenih aktivnosti, te uslovi za dodjelu sredstava.

Program će obezbijediti podsticaje za sufinansiranje projekata (poslovnih ideja) i zahtjeva obrtnika/preduzetnika koji su ranije registrovani na području Grada ili imaju namjeru da se registruju nakon objave ovog Programa odnosno Javnog poziva.

Zahtjevi/aplikacije se podnose u skladu s procedurama predviđenim Programom, te Javnim pozivom i na propisanim obrascima.

Svrha ovoga Programa je stvaranje povoljnog poslovnog okruženja za djelovanje preduzetnika i obrtnika.

Ciljevi ovoga Programa su:

- zapošljavanje nove radne snage;
- kreiranje novih radnih mjesta;
- povećanje broja novootvorenih firmi i obrta;
- ekonomsko osnaživanje žena i promocija ženskog preduzetništva;
- unapređenje samozapošljavanja i zapošljavanja, te poboljšanje općih uslova za razvoj
- konkurentnosti obrta, mikro, malih i srednjih preduzeća na području Grada;
- razvoj postojećeg preduzetništva mladih temeljenog na znanju i inovacijama.

II PERIOD REALIZACIJE PROGRAMA

Sredstva namijenjena za podsticaj unapređenja privrede kroz razvoj zapošljavanja i jačanje konkurentnosti privrede realizovat će se u periodu od dana donošenja ovog Programa do 31.12.2021. godine.

III IZVORI SREDSTAVA ZA PROVOĐENJE PROGRAMA

Potrebna sredstva za provođenje ovog Programa planirana su Budžetom Grada za 2021.godinu („Službene novine Grada Zenica“, broj: 2/21), na ekonomskom kodu 614500 -92 Transfer privatnim preduzećima i preduzetnicima (sufinansiranje projekata, finansiranje obrta i preduzetništva) u ukupnom iznosu od 200.000,00 KM (slovima:dvijestotinehiljada 00/100 KM).

IV KORISNICI

Korisnici sredstava iz ovoga Programa mogu biti mikro, mali i srednji subjekti male privrede definisani članom 4. Stav (1), Tačka a), b) i c) Zakona o podsticanju razvoja male privrede („Službene novine

Zeničko-dobojskog kantona“, broj: 7/2016), privredna društva registrovana u skladu sa Zakonom o privrednim društvima ("Službene novine Federacije BiH", broj: 81/15) i obrtnici registrovani u skladu sa Zakonom o obrtu i srodnim djelatnostima („Službene novine Federacije BiH“, broj: 35/09 i 14/11) i to:

- koji su ili će biti registrovani kao matično preduzeće/obrt na području Grada Zenica;
- koji imaju karakter privatnog vlasništva;
- koji imaju ili će imati najmanje jednog zaposlenog;
- koji nemaju evidentiran dug po osnovu direktnih i indirektnih poreza i doprinosa;
- koji nemaju evidentiran dug prema Gradu Zenica po bilo kom osnovu;
- koji su predali godišnje finansijske izvještaje i nemaju iskazan gubitak;
- koji obavljaju proizvodnu, proizvodno-uslužnu i uslužnu djelatnost.

Korisnici ovog programa su zaposlene i nezaposlene osobe koje se vode na JU Služba za zapošljavanje Zeničko-dobojskog kantona - Biroa rada Zenica, a koje pokreću svoj biznis (start - up projekti) u Gradu.

Prednost odabira korisnika po osnovu ovog Programa imaju obrti i preduzeća koja nisu koristila podsticajna sredstva Grada Zenica u prethodnom periodu.

Podnosilac zahtjeva za podsticaj može aplicirati samo na jednu od mjera Programa.

Pravo učešća na podsticaj po osnovu Programa **ne mogu ostvariti** sljedeći korisnici:

- subjekti registrovani za obavljanje bilo koje poljoprivredne djelatnosti;
- finansijske institucije;
- subjekti registrovani za obavljanje igara na sreću i kasina;

- fizička lica registrovana za obavljanje dopunskog zanimanja;
- fizička lica koja su od Grada Zenica ostvarila podsticaj, registrovala pa odjavila djelatnost;
- subjekti koji obavljaju djelatnost trgovine (trgovačke radnje, trgovac pojedinac i sl.);
- subjekti koji obavljaju ugostiteljsku djelatnost (osim za nabavku ugostiteljske opreme što će se specificirati kroz javni poziv);
- frizerski saloni i saloni za uljepšavanje (osim za nabavku profesionalne frizerske/kozmetičke stolice);
- taksisti.

V NOSILAC PROGRAMA

Nosilac provedbe ovoga Programa je Služba za privredu i upravljanje razvojem, koja će jednom godišnje za prethodnu godinu sačiniti Informaciju o realizaciji Programa te istu dostaviti Gradskom vijeću na razmatranje.

VI MJERE

Program podrazumijeva realizaciju sljedećih mjera:

MJERA	Naziv mjere	Planirani iznos u 2021.godin i (u KM)
1	Podsticaj razvoja postojećih obrta, mikro, malih i srednjih preduzeća	100.000,00
2	Podsticaj za "Moj prvi biznis u Gradu Zenica – START UP"	100.000,00
		200.000,00

Mjera 1.	Podsticaj razvoja postojećih obrta, mikro, malih i srednjih preduzeća		- maksimalan pojedinačni iznos odobrenih sredstava je 5.000,00 KM , nezavisno o iznosu ukupne investicije za koju se podnosi zahtjev
Cilj	- stvaranje preduslova za očuvanje postojećih i otvaranje novih radnih mjesta - povećanje nivoa produktivnosti i konkurentnosti - nabavka osnovnih sredstava i opreme	Planiran iznos	100.000,00 KM
Namjena	- kupovina mašina, alata i opreme za obavljanje djelatnosti (polovne i nove) - kupovina odgovarajuće informatičke opreme za rad (osim laptopa) - kupovina licenciranih IT programa	Mjera 1.	Podsticaj za “Moj prvi biznis u Gradu Zenica – START UP“
Korisnici	- postojeći obrti, mikro, mala i srednja preduzeća	Cilj	- podsticajem je predviđeno sufi-nansiranje pokretanja malih biznisa, društva sa ograničenom odgovornošću, obrt-a i srodnih djelatnosti koji su pokrenuli registraciju nakon 01.01.2021. godine
Napomena	- aplikant može aplicirati za podsticaj uz uslov da obezbjeđuje dio sredstava kao vlastito učešće za realizaciju ukupne investicije - iznos subvencije zavisi od veličine privrednog subjekta i to kako slijedi: - subvencija za mikro privredne subjekte iznosi do 50 % od ukupne investicije za koju se podnosi zahtjev - subvencija za male privredne subjekte iznosi do 35 % od ukupne investicije za koju podnosi zahtjev - subvencija za srednje privredne subjekte iznosi do 20 % od ukupne investicije za koju se podnosi zahtjev	Namjena	- subvencija doprinosa za zaposlenu/samozaposlenu osobu za najviše 12 mjeseci poslovanja - kupovina mašina, alata i opreme za obavljanje djelatnosti (polovna i nova oprema) - kupovina informatičke opreme za rad (osim laptopa) - kupovina licenciranih IT programa - troškovi registracije poslovnog subjekta (osim osnivačkog kapitala) - prednost odabira korisnika poticaja imaju mlade i nezaposlene osobe
		Korisnici	- početnici koji prvi put registruju obrt ili društvo sa ograničenom odgovornošću nakon 01.01.2021.godine , sa matičnim sjedištem na području grada Zenice

Korisnici	- aplikantima će biti osiguran trening iz oblasti preduzetništva koji se sastoji od 7 modula (generisanje poslovne ideje, istraživanje tržišta, pisanje poslovnog plana, marketing za mali biznis, finansiranje start-up a, vještine prodaje i pregovaranja, koraci u registraciji obrta i društva sa ograničenom odgovornošću). Trening će izvršiti Zenička razvojna agencija ZEDA d.o.o.Zenica.
Napomena	- maksimalan iznos podsticaja za pokretanje obrta je 3.000,00KM - maksimalan iznos podsticaja za pokretanja društva sa ograničenom odgovornošću je 5.000,00 KM
Planiran iznos	100.000,00 KM

VII REALIZACIJA PROGRAMA

Za provođenje mjera predviđenih Programom, Služba za privredu i upravljanje razvojem će raspisati Javni poziv sa kriterijima. Postupak po Javnom pozivu provest će Komisija koju će imenovati Gradonačelnik. Komisija će biti sačinjena od predstavnika Službe za privredu i upravljanje razvojem, Zeničke razvojne agencije ZEDA i Udruženja poslodavaca Zenica.

Komisija će nakon provedenog Javnog poziva izvršiti vrednovanje i rangiranje pristiglih prijava, te sačiniti zapisnik i rang listu kandidata koji ispunjavaju propisane uslove.

Grad Zenica će sa odabranim kandidatima potpisati ugovore u kojima će biti regulisana međusobna prava i obaveze.

Ukoliko se planirana sredstva po mjerama iz objektivnih razloga u cijelosti ili djelimično ne iskoriste, ista se mogu preusmjeriti na drugu mjeru unutar Programa.

Kontrolu korištenja sredstava koja se dodjeljuju na osnovu Programa vršit će Služba za privredu i upravljanje razvojem i Komisija za provedbu Javnog poziva.

VIII STUPANJE NA SNAGU

Program stupa na snagu danom donošenja i objavit će se u "Službenim novinama Grada Zenica".

Broj: 01-45-6962/21
Zenica, 08.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

74.

Na osnovu člana 47. stav (2) Zakona o prostornom uređenju i građenju („Službene novine Zeničko-dobojskog kantona“, broj: 1/14 i 4/16) i člana 21. tačka 5. Statuta Grada Zenica („Službene novine Grada Zenica“, broj: 5/15), Gradsko vijeće Zenica na 8. sjednici održanoj dana 08.04.2021. godine, donijelo je

O D L U K U

o usvajanju Nacrta izmjena i dopuna Regulacionog plana „Centar Nemila“ (skraćeni postupak) i upućivanja na javni uvid i javnu raspravu

Član 1.

Usvaja se Nacrt izmjena i dopuna Regulacionog plana „ Centar Nemila “ (skraćeni postupak) i upućuje se na javni uvid i javnu raspravu.

Član 2.

Nosioci organizovanja javnog uvida i javne rasprave su Služba za urbanizam i Javno preduzeće za prostorno planiranje i uređenje grada „Zenica“ d.o.o. Zenica .

Član 3.

Javni uvid i javna rasprava će trajati 10 dana od dana donošenja ove odluke.

Član 4.

1. Javni uvid i javna rasprava vodit će se prema Programu koji će izraditi Služba za urbanizam.
2. Program iz stava (1) ovog člana sadrži:
 - a) način prezentiranja Plana,
 - b) način uključivanja javnosti,
 - c) rokove za pojedine postupke.

Član 5.

1. Istekom roka iz člana 3. ove odluke, na osnovu dostavljenih primjedbi, prijedloga i mišljenja

građana te detaljnog razmatranja, Nosilac pripreme Plana će u roku od 8 dana sačiniti Izvještaj sa odgovorima na dostavljene primjedbe, prijedloge i mišljenja.

2. Nosilac pripreme Plana će utvrditi prijedlog Odluke o izmjenama i dopunama Regulacionog plana „Centar Nemila“ (skraćeni postupak) i dostaviti Gradskom vijeću na usvajanje.

Član 6.

Odluka stupa na snagu danom donošenja i objaviće se u „Službenim novinama Grada Zenica“.

Broj: 01-45-6964/21
Zenica, 08.04.2021.godine

PREDSJEDAVAJUĆI
GRADSKOG VIJEĆA ZENICA
Almir Babajić

75.

NACRT

Na osnovu člana 47. stav (2), a u vezi sa članom 27. stav (5) Zakona o prostornom uređenju i građenju ("Službene novine Zeničko-dobojskog kantona", broj: 1/14 i 4/16) i člana 21. tačka 5. Statuta Grada Zenica ("Službene novine Grada Zenica", broj: 5/15), Gradsko vijeće Zenica na 8.

sjednici održanoj dana 08.04.2021. godine, donijelo je

O D L U K U**o izmjenama i dopunama Odluke o
provođenju Regulacionog plana
"Centar Nemila"****Član 1.**

U Odluci o provođenju Regulacionog plana „Centar Nemila“ („Službene novine Grada Zenica“ broj: 2/15) u članu 9. stav (4) mijenja se i glasi:

„(4) Izuzetak čine dva novoplanirana stambeno-poslovna objekta čija izgradnja je planirana na parcelama k.č.n.p. 188/1, 188/2, 189/1, 189/2 i 190 k.o. Orahovičko polje, gdje se planira spratnost objekata Po+P+6 (podrum, prizemlje i šest spratova), s tim da se horizontalna veza između dva stambeno-poslovna objekta ostvaruje preko dijela objekta spratnosti Po+P“.

U stavu (5) iza riječi „broj 9“ dodaju se riječi „i broj 4 –za dva novoplanirana stambeno-poslovna objekta iz stava (4) ovog člana.“

Član 2.

U članu 10. u stavu (1) iza riječi „br 9.“ dodaju se riječi „i broj 4“.

Član 3.

U članu 11. u stavu (5) iza riječi „broj 10“ dodaju se riječi „i broj 5“.

Član 4.

U članu 12. iza stava (5) dodaje se stav (6) i stav (7) koji glase:

„(6) Na dva novoplanirana stambeno-poslovna objekta iz člana 9. stav (4) dozvoljene su konzole (istaci) maksimalne širine 2,0 m počev od drugog sprata, izuzev jugoistočne strane objekta (prema regionalnoj saobraćajnici) gdje konzole (istaci) nisu dozvoljene preko građevinske linije prizemlja objekata.

(7) Na jugoistočnoj strani stambeno-poslovnih objekata iz prethodnog stava, građevinska linija se poklapa sa linijom

gabarita podzemnih garaža i granicama parcela.“

Dosadašnji stavovi (6), (7) i (8) postaju stavovi (8), (9) i (10).

U stavu (10) iza riječi „broj 12“ dodaju se riječi, i broj 6“.

Član 5.

U članu 14. u stavu (4) iza alineje 6, dodaje se alineja 7 koja glasi:

„ - za dva novoplanirana stambeno-poslovna objekta iz člana 9. stav (4), obavezno se planira izgradnja potrebnog broja parking (garažnih) mjesta po principu „jedan stan – jedno parking mjesto“, a za poslovni prostor minimalno jedno parking mjesto za 60 m² poslovnog prostora.“

Član 6.

Ova odluka stupa na snagu danom donošenja i objaviće se u "Službenim novinama Grada Zenica".

Broj: 01-45-6966/21

Zenica, 08.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

76.

Na osnovu člana 47. stav (2) Zakona o prostornom uređenju i građenju („Službene novine Zeničko-dobojskog kantona“, broj: 1/14 i 4/16) i člana 21. tačka 5. Statuta Grada Zenica („Službene novine Grada Zenica“, broj: 5/15), Gradsko vijeće Zenica na sjednici održanoj dana 08.04.2021. godine, donijelo je

O D L U K U

**o usvajanju Nacrta izmjena i dopuna
Regulacionog plana „Mokušnice“
(skraćeni postupak) i upućivanja na
javni uvid i javnu raspravu**

Član 1.

Usvaja se Nacrt izmjena i dopuna Regulacionog plana „Mokušnice“ (skraćeni postupak) i upućuje se na javni uvid i javnu raspravu.

Član 2.

Nosioци organizovanja javnog uvida i javne rasprave su Služba za urbanizam i Javno preduzeće za prostorno planiranje i uređenje grada „Zenica“ d.o.o. Zenica.

Član 3.

Javni uvid i javna rasprava će trajati 10 dana od dana donošenja ove odluke.

Član 4.

(1) Javni uvid i javna rasprava vodit će se prema Programu koji će izraditi Služba za urbanizam.

(2) Program iz stava (1) ovog člana sadrži:

- a) način prezentiranja Plana,
- b) način uključivanja javnosti,
- c) rokove za pojedine postupke.

Član 5.

(1) Istekom roka iz člana 3. ove odluke, na osnovu dostavljenih primjedbi, prijedloga i sugestija građana te detaljnog razmatranja, Nosilac pripreme Plana, će u roku od 8 dana sačiniti Izvještaj sa odgovorima na dostavljene primjedbe, prijedloge i sugestije.

(2) Nosilac pripreme Plana će utvrditi prijedlog Odluke o izmjenama i dopunama Regulacionog plana „Mokušnice“ (skraćeni postupak) i dostaviti Gradskom vijeću na usvajanje.

Član 6.

Odluka stupa na snagu danom donošenja i objaviće se u „Službenim novinama Grada Zenica“.

Broj: 01-45-6968/21

Zenica, 08.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

77.

NACRT

Na osnovu člana 47. stav (2), a u vezi sa članom 27. stav (5) Zakona o prostornom uređenju i građenju ("Službene novine Zeničko-dobojskog kantona", broj: 1/14 i 4/16) i člana 21. tačka 5. Statuta Grada Zenica ("Službene novine Grada Zenica", broj: 5/15), Gradsko vijeće Zenica na 8. sjednici održanoj dana 08.04.2021. godine, donijelo je

O D L U K U**o izmjenama i dopunama Odluke o
provođenju Regulacionog plana
"Mokušnice"****Član 1.**

U Odluci o provođenju Regulacionog plana „Mokušnice“ („Službene novine Grada Zenica“, broj: 5/16) u članu 9. iza stava (6) dodaje se stav (7) i (8) koji glase:

„ (7) Na stambeno-poslovnim objektu na parceli k.č.n.p. 2056/3 K.O. Zenica II, planira se spratnost objekta Po+P+5 (podrum, prizemlje i pet spratova), koji će se visinom izjednačiti sa susjednim objektom na parceli k.č.n.p. 2056/7 K.O. Zenica II, spratnosti P+4 (prizemlje i četiri sprata).

(8) Na poslovnim objektu Poliklinika "Sunce" na parceli k.č.n.p.2056/2 K.O. Zenica II, planira se spratnost objekta P+3 (prizemlje i tri sprata) na većem dijelu objekta i P+4 (prizemlje i četiri sprata) na manjem (sjevernom dijelu objekta), koji će se visinom izjednačiti sa susjednim objektom na parceli k.č.n.p. 2056/7 K.O. Zenica II, spratnosti P+4 (prizemlje i četiri sprata) sa kojim čini cjelinu.“

Dosadašnji stav (7) postaje stav (9).

U stavu (9) iza riječi „broj 9“ dodaju se riječi „i broj 4“.

Član 2.

U članu 11. u stavu (5) iza riječi „broj 10“ dodaju se riječi „i broj 5“.

Član 3.

Ova odluka stupa na snagu danom donošenja i objaviće se u "Službenim novinama Grada Zenica".

Broj: 01-45-6971/21

Zenica, 08.04.2021. godine

**PREDSJEDAVAJUĆI
GRADSKOG VIJEĆA ZENICA
Almir Babajić**

78.

Na temelju člana 21. tačka 5) i člana 116. stav (2) Statuta Grada Zenica ("Službene novine Grada Zenica", broj: 5/15), te člana 44. Poslovnika Gradskog vijeća ("Službene novine Grada Zenica", broj: 4/17 i 4/20), Gradsko vijeće Zenica, razmatrajući Prijedlog Plana ulaganja u putnu infrastrukturu za 2021. godinu, na svojoj osmoj sjednici održanoj dana 08.04.2021. godine, donijelo je

Z A K L J U Č A K**I**

Usvaja se Plan ulaganja u putnu infrastrukturu za 2021. godinu.

II

Plan ulaganja iz tačke I čini sastavni dio ovog Zaključka.

III

Ovaj Zaključak stupa na snagu danom donošenja i objaviće se u "Službenim novinama Grada Zenica".

Broj: 01-45-6972/21

Zenica, 08.04.2021. godine

**PREDSJEDAVAJUĆI
GRADSKOG VIJEĆA ZENICA
Almir Babajić**

79.

Na temelju člana 21. tačka 5) i člana 116. stav (2) Statuta Grada Zenica ("Službene novine Grada Zenica", broj: 5/15), te člana 44. Poslovnika Gradskog vijeća ("Službene novine Grada Zenica", broj: 4/17 i 4/20), Gradsko vijeće Zenica, razmatrajući Prijedlog Plana ulaganja u oblasti vodoprivrede za 2021. godinu, na svojoj osmoj sjednici održanoj dana 08.04.2021. godine, donijelo je

ZAKLJUČAK**I**

Usvaja se Plan ulaganja u oblasti vodoprivrede za 2021. godinu.

II

Plan ulaganja iz tačke I čini sastavni dio ovog Zaključka.

III

Ovaj Zaključak stupa na snagu danom donošenja i objaviće se u "Službenim novinama Grada Zenica".

Broj: 01-45-6973/21
Zenica, 08.04.2021. godine

**PREDSJEDAVAJUĆI
GRADSKOG VIJEĆA ZENICA
*Almir Babajić***

80.

Na osnovu člana 66. Zakona o građevinskom zemljištu Federacije Bosne i Hercegovine ("Službene novine Federacije BiH", broj: 25/03, 67/05 i 94/18), člana 38. Odluke o građevinskom zemljištu Grada Zenica („Službene novine općine Zenica“, broj: 4/07 – prečišćen tekst, 2/08, 5/08, 1/10, 2/11, 2/12, 2/13, 1/14 i „Službene novine Grada Zenica“, broj: 2/15, 2/16, 3/17, 2/18 i 1/20), člana 21. Statuta Grada Zenica („Službene novine Grada Zenica“, broj: 5/15), Gradsko vijeće Grada Zenica na osmoj sjednici održanoj dana 08.04.2021. godine, donijelo je

O D L U K U

**o utvrđivanju prosječne konačne
građevinske cijene 1 m² korisne
stambene površine na području Grada
Zenica**

Član 1.

Utvrđuje se prosječna konačna građevinska cijena 1 m² iz prethodne godine

korisne stambene površine na području Grada Zenica u iznosu od 1.000,00 KM.

Član 2.

Stupanjem na snagu ove odluke, prestaje da važi Odluka o utvrđivanju prosječne konačne građevinske cijene 1 m² korisne stambene površine na području Grada Zenica („Službene novine Grada Zenica“, broj 4/20).

Član 3.

Ova odluka stupa na snagu danom donošenja, a objaviće se u „Službenim novinama Grada Zenica“.

Broj: 01-45-6975/21
Zenica, 08.04.2021. godine

**PREDSJEDAVAJUĆI
GRADSKOG VIJEĆA ZENICA
*Almir Babajić***

81.

Na osnovu člana 21. tačka 10. Statuta Grada Zenica ("Službene novine Grada Zenica", broj: 5/15) i člana 3. Odluke o korišćenju javnih površina ("Službene novine općine Zenica", broj: 9/99 i "Službene novine Grada Zenica", broj: 1/18), Gradsko vijeće Zenica, na osmoj sjednici održanoj dana 08.04.2021. godine, donijelo je

ODLUKU

**o izmjeni i dopuni Plana korišćenja
javnih površina na području
grada Zenica za 2021. godinu**

Član 1.

U Planu korišćenja javnih površina na području grada Zenica za 2021. godinu (u daljem tekstu: Plan) ("Službene novine Grada Zenica", broj: 2/21), u članu 7. iza stava (4) dodaje se stav (5) koji glasi:

„(5) Izuzetno, može se omogućiti proširenje ljetnih bašti u odnosu na dimenzije utvrđene u Grafičkom prilogu koji čini sastavni dio Plana iz člana 1. ove Odluke pod uslovom da

postoje urbanističko – tehnički uslovi za proširenje ljetne bašte na javnu površinu.“

Član 2.

Član 10. mijenja se i glasi:

„(1)Vlasnici ugostiteljskih objekata koji ispred objekata imaju stolove i stolice, fiksne tende i podije, a koriste ljetnu baštu u periodu od 01.04. do 30.09.2021. godine, te redovno mjesečno izmiruju naknadu za korišćenje javne površine za ljetnu baštu do 10-og u mjesecu, ostvaruju pravo na period korišćenja „ljetne bašte“ van sezone u trajanju od šest mjeseci, bez plaćanja naknada.

(2)Vlasnici ugostiteljskih objekata koji koriste ljetnu baštu u periodu manjem od perioda iz prethodnog stava (period „ljetne sezone“), bez obzira na način plaćanja naknade za korišćenja javne površine za ljetnu baštu, neće moći ostvariti pravo na period korišćenja „ljetne bašte“ van sezone.“

Član 3.

U članu 18. stav (4) u tabelarnom pregledu „Izlaganje i prodaja umjetničkih slika“, briše se tačka 2. „Maršala Tita (uz fasadu RK „Zeničanka“)... broj 1“ kao i prikaz lokacije u Grafičkom prilogu kao sastavnom dijelu Plana iz člana 1. Odluke.

Član 4.

Ostali dijelovi Plana ostaju nepromijenjeni.

Član 5.

Ova odluka objaviće se u „Službenim novinama Grada Zenica“.

Broj: 01-45-6981/
Zenica, 08.04.2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

GRADONAČELNIK

82.

Na osnovu člana 60. i 61. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj: 5/15) i člana 26. Odluke o izvršavanju Budžeta Grada Zenica za 2021. godinu ("Službene novine Grada Zenica", broj: 2/21), Gradonačelnik Zenice donosi

Z A K L J U Č A K

o odobravanju izdvajanja sredstava iz tekuće budžetske rezerve

I

Odobrava se izdvajanje novčanih sredstava iz Budžeta Grada Zenica za 2021. godinu Akademiji nauka i umjetnosti Bosne i Hercegovine, sa sjedištem u Sarajevu, ul. Bistrik broj 7, ID: 4200118660009, u iznosu od 5.000,00 KM, u svrhu finansijske podrške za osnivanje Centra za istraživanje razvoja lokalne i regionalne samouprave u okviru Akademije nauka i umjetnosti Bosne i Hercegovine.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2021. godinu, a u svrhu obezbjeđenja neplaniranih sredstava na organizacionom kodu 51010001 - Gradonačelnik, ekonomski kod 613900 - ugovorene i druge posebne usluge, funkcija 0141.

III

Za realizaciju ovog Zaključka zadužuje se Gradonačelnik i Služba za finansije, koja će navedena sredstva uplatiti na račun Akademije nauka i umjetnosti Bosne i Hercegovine, broj: 161-000-00107200-63 otvoren kod Raiffeisen bank d.d. Sarajevo.

IV

O utrošku sredstava korisnik je dužan podnijeti izvještaj Gradonačelniku.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-5408/21
Zenica, 16.03.2021. godine

GRADONAČELNIK
Fuad Kasumović

83.

Na osnovu člana 59. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj: 5/15), člana 28. Odluke o izvršavanju Budžeta Grada Zenica za 2021. godinu ("Službene novine Grada Zenica", broj: 2/21) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe civilne zaštite, Gradonačelnik Zenice donosi

Z A K L J U Č A K

**o preraspodjeli sredstava u
Budžetu Grada Zenica za
2021. godinu**

I

Odobrava se preraspodjela sredstava Budžeta Grada Zenica za 2021. godinu ("Službene novine Grada Zenica", broj: 2/21) na organizacionom kodu 60010001 - Služba civilne zaštite.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 821600, funkcija 0321, budžetska pozicija 211 - "Rekonstrukcija i investiciono održavanje vatrogasnog doma i

dispečerskog centra" za iznos od 62.000,00 KM.

Povećava se:

- ekonomski kod 821300, funkcija 0321, budžetska pozicija 210 - "Nabavka opreme za potrebe Profesionalne vatrogasne jedinice Zenica" za iznos od 62.000,00 KM.

III

Za realizaciju ovog Zaključka zadužuju se Služba civilne zaštite i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02- 45-5999/21
Zenica, 26.03.2021. godine

GRADONAČELNIK
Fuad Kasumović

84.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 15. tačka 2) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09) i člana 34. tačka 5) i 6) Statuta Grada Zenica ("Službene novine Grada Zenica", broj: 5/15), Gradonačelnik Grada Zenica, donosi:

R J E Š E N J E

**o imenovanju privremenih
članova Upravnog odbora
JU "Gradska biblioteka" Zenica**

I

Imenuju se privremeni članovi Upravnog odbora JU "Gradska biblioteka" Zenica, i to do okončanja konkursne procedure za izbor

članova Upravnog odbora, a najduže na period od tri mjeseca, kako slijedi:

1. Zijada Kurtodža, dipl. defektolog - logoped,
2. Bernard Harbaš, prof. filozofije i sociologije i
3. Hana Sokolović, dipl. prof. književnosti naroda BiH i bibliotekar.

II

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-5644/21
Zenica, 15.03.2021. godine

GRADONAČELNIK
Fuad Kasumović

85.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 15. tačka 2) Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09) i člana 34. tačka 5) i 6) Statuta Grada Zenica ("Službene novine Grada Zenica", broj: 5/15), Gradonačelnik Grada Zenica, d o n o s i

R J E Š E N J E
o imenovanju privremenih članova
Upravnog odbora
JU Muzej grada Zenica

I

Imenuju se privremeni članovi Upravnog odbora JU Muzej grada Zenica, i to do okončanja konkursne procedure za izbor članova Upravnog odbora, a najduže na period od tri mjeseca, kako slijedi:

1. Harun Kahvedžić, mr. menadžmenta,
2. Jasminka Maličbegović, prof. predškolskog odgoja i
3. Ikbal Cogo, prof. historije.

II

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-5647/21
Zenica, 15.03.2021. godine

GRADONAČELNIK
Fuad Kasumović

86.

Na osnovu člana 6. Zakona o javnim preduzećima FBiH („Sl. novine FBiH“, broj: 8/05, 81/98, 22/09 i 109/12), člana 234. Zakona o privrednim društvima („Sl. novine FBiH“, broj: 81/15), člana 29. i 72. Statuta Javnog preduzeća „Grijanje“ d.o.o. Zenica broj: 02-01-5293/08 od 06.06.2008. godine ovjeren od strane notara pod brojem OPU:2330/08, Odluke o izmjeni Statuta Javnog preduzeća „Grijanje“ d.o.o. Zenica broj: 02-05-18501/09 od 24.11.2009. godine ovjeren od strane notara pod brojem OPU-IP:460/09, Odluke o izmjeni i dopuni Statuta Javnog preduzeća „Grijanje“ d.o.o. Zenica broj: 02-49-21441/11 od 12.11.2011. godine ovjeren od strane notara pod brojem OPU-IP:465/11, Odluke o izmjeni Statuta Javnog preduzeća „Grijanje“ d.o.o. Zenica broj: 02-01-5293/08 od 06.03.2008. godine ovjeren od strane notara pod brojem OPU-IP:598/18, a koja Odluka je ispravljena Odlukom o izmjeni Statuta Društva J.P. „Grijanje“ d.o.o. Zenica broj: 02-01-5293/08 od 06.03.2008. godine ovjerena od strane notara pod brojem OPU-IP:598/18, Odluke o izmjeni Statuta Javnog preduzeća „Grijanje“ d.o.o. Zenica, br. 02-45-11030/20 od 17.06.2020. godine ovjerena od strane notara pod brojem OPU-IP:162/20, Odluke o izmjeni Statuta Javnog preduzeća „Grijanje“ d.o.o. Zenica, br. 02-45-23984/20 od 02.12.2020. godine ovjerena od strane notara pod brojem OPU-IP:397/20, Gradonačelnik Grada Zenice, vršeći ovlaštenje Skupštine Javnog preduzeća „Grijanje“ d.o.o. Zenica, dana 15.04.2021. godine, donosi:

O D L U K U

**o izmjeni Statuta Javnog preduzeća
„Grijanje“ d.o.o. Zenica****Član 1.****Član 9. mijenja se i glasi:****„Član 9.**

Djelatnost Javnog preduzeća „Grijanje“ d.o.o. Zenica prema Odluci o klasifikaciji djelatnosti Bosne i Hercegovine 2010 (“Službeni glasnik BiH”, broj: 47/10) je:

- 35.30 - Proizvodnja i snabdijevanje parom i klimatizacija;
- 42.11 - Gradnja cesta i autocesta;
- 42.12 - Gradnja željezničkih pruga i podzemnih željeznica;
- 42.13 - Gradnja mostova i tunela;
- 42.21 - Gradnja cjevovoda za tečnosti i plinove;
- 42.22 - Gradnja vodova za električnu struju i telekomunikacije;
- 43.22 - Uvođenje instalacija vodovoda, kanalizacije i plina i instalacija za grijanje i klimatizaciju;
- 46.69 - Trgovina na veliko ostalim mašinama i opremom;
- 46.71 - Trgovina na veliko krutim, tečnim i plinovitim gorivima i srodnim proizvodima;
- 46.74 - Trgovina na veliko metalnom robom, instalacijskim materijalom, uređajima i opremom za vodovod i grijanje;
- 68.20 - Iznajmljivanje i upravljanje vlastitim nekretninama ili nekretninama uzetim u zakup (leasing)
- 71.11. - Arhitektonske djelatnosti;
- 71.12. - Inženjerske djelatnosti i s njima povezano tehničko savjetovanje.

Član 2.

Ova Odluka stupa na snagu danom donošenja, a objavit će se u „Službenim novinama grada Zenica“.

O B R A Z L O Ž E N J E

U skladu sa propisanim, odnosno utvrđenim nadležnostima Skupštine Javnog preduzeća „Grijanje“ d.o.o. Zenica čije ovlasti vrši Gradonačelnik Grada Zenica, a na osnovu člana 234. tačka p) Zakona o privrednim društvima („Službene novine FBiH“, broj: 81/15) kojim je propisano da: “Skupština dioničkog društva odlučuje o izmjenama i dopunama odredaba statuta koje se ne odnose na pitanja iz tač. a), b), g) i h) ovog člana ili druga pitanja o kojima, u skladu sa zakonom ili statutom društva, skupština donosi posebne odluke čiji pravni učinak uključuje izmjenu odgovarajućih odredaba statuta društva“ i člana 29. stav 1. alineja 1) Statuta Javnog preduzeća „Grijanje“ d.o.o. Zenica kojim je propisano da: „Skupština preduzeća odlučuje o donošenju statuta, njegovim izmjenama i dopunama“, izvršena je izmjena člana 9. Statuta Javnog preduzeća „Grijanje“ d.o.o. Zenica kojim se određuje djelatnost Javnog preduzeća dodavanjem nove djelatnosti iz Odluke o klasifikaciji djelatnosti Bosne i Hercegovine 2010 (“Službeni glasnik BiH”, broj: 47/10) i to: 68.20 – Iznajmljivanje i upravljanje vlastitim nekretninama ili nekretninama uzetim u zakup (leasing), kako bi Javno preduzeće „Grijanje“ d.o.o. Zenica nakon upisa navedene djelatnosti u sudski registar moglo obavljati poslove iznajmljivanja otvorenog i zatvorenog skladišnog prostora.

Shodno naprijed navedenom, donesena je Odluka kao u izreci.

Broj: 02-45-6341/21
Zenica, 15.04.2021.godine

SKUPŠTINA
GRADONAČELNIK GRADA ZENICA
Fuad Kasumović

87.

BOSNA I HERCEGOVINA
 FEDERACIJA BOSNE I HERCEGOVINE
 ZENIČKO-DOBOJSKI KANTON
 GRAD ZENICA
 Služba za finansije

Broj: 05-45-7419/21
 Zenica, 20.04.2021. godine

U skladu sa članom 3. Pravilnika o utvrđivanju i načinu vođenja Registra budžetskih korisnika Budžeta u FBiH ("Službene novine FBiH", broj 30/14) Pomoćnik Gradonačelnika uspostavlja:

REGISTAR BUDŽETSKIH KORISNIKA GRADA ZENICA

RBK broj	Naziv budžetskog korisnika	Adresa	Identifikacioni broj (ID broj)	Organizacioni kod
1	Gradonačelnik	Trg Bosne i Hercegovine br. 6	4218237080009	51010001
2	Služba kabineta Gradonačelnika	Trg Bosne i Hercegovine br. 6	4218237080009	52010001
3	Stručna služba Gradskog vijeća	Trg Bosne i Hercegovine br. 6	4218237080009	53010001
4	Služba interne revizije	Trg Bosne i Hercegovine br. 6	4218237080009	54010001
5	Služba za urbanizam	Trg Bosne i Hercegovine br. 6	4218237080009	55010001
6	Služba za imovinsko-pravne, geodetske poslove i katastar nekretnina	Trg Bosne i Hercegovine br. 6	4218237080009	56010001
7	Služba za finansije	Trg Bosne i Hercegovine br. 6	4218237080009	57010001
8	Služba za privredu i upravljanje razvojem	Trg Bosne i Hercegovine br. 6	4218237080009	58010001
9	Služba za boračko-invalidsku i socijalnu zaštitu, stambene poslove i društvene djelatnosti	Trg Bosne i Hercegovine br. 6	4218237080009	59010001
10	JU Centar za socijalni rad	Saliha Cakana Mulalića br. 5	4218027350003	59010002
11	Služba civilne zaštite	Trg Bosne i Hercegovine br. 6	4218237080009	60010001
12	Služba za ekologiju, komunalne poslove i mjesne zajednice	Trg Bosne i Hercegovine br. 6	4218237080009	61010001
13	Služba za opću upravu	Trg Bosne i Hercegovine br. 6	4218237080009	62010001
14	Sektor za informacione tehnologije	Trg Bosne i Hercegovine br. 6	4218237080009	63010001
15	Sektor za odnose s javnošću	Trg Bosne i Hercegovine br. 6	4218237080009	64010001
16	Gradsko pravobranilaštvo	Školska broj 4	4218237080009	65010001
17	Služba za inspeksijske poslove	Trg Bosne i Hercegovine br. 6	4218237080009	66010001
18	Sektor za javna preduzeća i javne ustanove	Trg Bosne i Hercegovine br. 6	4218237080009	67010001

POMOĆNIK GRADONAČELNIKA

Fatima Vojvodić, dipl.oec.

SADRŽAJ

GRADSKO VIJEĆE

- | | |
|---|-----|
| 71. Zaključak o usvajanju dokumenta "Osnove programa i politike Gradonačelnika u mandatu 2020.-2024. godine" | 1 |
| 72. Zaključak o usvajanju Plana implementacije projekata u 2021. godini u skladu sa Strategijom razvoja Grada Zenica za period 2012-2022. godina | 1 |
| 73. Program mjera za utrošak podsticajnih sredstava u oblasti privrede za 2021. godinu | 2 |
| 74. Odluka o usvajanju Nacrta izmjena i dopuna Regulacionog plana „Centar Nemila“ (skraćeni postupak) i upućivanja na javni uvid i javnu raspravu | 5-6 |
| 75. Odluka o izmjenama i dopunama Odluke o provođenju RP "Centar Nemila" (NACRT) | 6-7 |
| 76. Odluka o usvajanju Nacrta izmjena i dopuna Regulacionog plana „Mokušnice“ (skraćeni postupak) i upućivanja na javni uvid i javnu raspravu | 7 |
| 77. Odluka o izmjenama i dopunama Odluke o provođenju RP "Mokušnice" (NACRT) | 8 |
| 78. Zaključak o usvajanju Plana ulaganja u putnu infrastrukturu za 2021. godinu | 8 |
| 79. Zaključak o usvajanju Plana ulaganja u oblasti vodoprivrede za 2021. godinu | 9 |
| 80. Odluka o utvrđivanju prosječne konačne građevinske cijene 1 m ² korisne stambene površine na području Grada Zenica | 9 |
| 81. Odluka o izmjeni i dopuni Plana korišćenja javnih površina na području grada Zenica za 2021. godinu. | 10 |

GRADONAČELNIK

- | | |
|--|--------|
| 82. Zaključak o odobravanju izdvajanja sredstava iz tekuće budžetske reserve | 10 |
| 83. Zaključak o preraspodjeli sredstava u Budžetu Grada Zenica za 2021. godinu | 11 |
| 84. Rješenje o imenovanju privremenih članova Upravnog odbora JU "Gradska biblioteka" Zenica | 12 |
| 85. Rješenje o imenovanju privremenih članova Upravnog odbora JU Muzej grada Zenica | 12 |
| 86. Odluka o izmjeni Statuta Javnog Preduzeća „Grijanje“ d.o.o. Zenica | 12 -13 |

SLUŽBA ZA FINANSIJE

- | | |
|--|----|
| 87. Registar Budžetskih korisnika Grada Zenica | 14 |
|--|----|